

沅湘耆舊集前編

沅湘耆舊集前編卷第十一

方外名釋

新化 鄧顯鶴 子立審編

男琮謹輯

釋皎然 十九首

皎然名晝姓謝氏長城人靈運十世孫也貞元中  
敕寫其文集入於秘閣詩七卷

集湯評事衡湖上望微雨

蒼涼遠景中雨色綠山有雲送滿洞庭風吹繞楊柳蕭蕭  
解輕袂盡日隨林叟

晚春尋桃源觀

武陵何處訪仙鄉古觀雲根路已荒細草擁壇人跡絕落

花沈澗水流香山深有雨寒猶在松老無風韻亦長全覺  
此身離俗境元機亦可照迷方

湖南蘭若示大乘諸公

未到無爲岸空憐不繫舟東山白雲意歲晚尙悠悠

送張彝歸長沙

早聞凌雲彩謂在鴛鴦儔華髮始相遇滄江仍旅遊策名  
忘苟進澹慮輕所求常服遠遊誠緬懷經世謀片帆背風  
渚萬里還湘洲別望荆雲積歸心漢水流蘭若行采采桂  
擢思悠悠宿昔無機者爲君動離憂

別洞庭維諒上人

白雲關我不關他此物留君情最多憶著春風生橘樹歸

心不怕洞庭波

春陵登望

西底空流水東垣但聚雲最傷梅嶺望花雪正紛紛

同明府章送沈秀才還石門山讀書

身爲郢令客心許楚山雲文墨應經世林泉漫誘君欲隨  
樵子去惜與道流分冒謝申公輩治詩事漢文

送維諒上人歸洞庭

從來湖上勝人閒遠愛浮雲獨自還孤月空天見心地寥  
寥一水鏡中山

送顏處士還長沙覲省

西候風信起三湘孤客心天寒漢水廣鄉遠楚雲深服綵

侍膳揮芳思滿襟歸人忘艱阻別恨獨何任

題廢寺

武陵罹亂後眞界積塵埃殘月生秋水悲風起故臺居人  
今已盡棲鴿暝還來不到無生理應堪賦七哀

吊靈均詞

昧天道兮有無聽汨渚兮躊躇期靈均兮若將問神理兮  
何如願君精兮爲月出孤影兮示予天獨何兮有君君在  
萬兮不羣既冰心兮皎潔上問天兮胡不聞天不開神草  
覩若雲冥冥兮雷霆怒蕭條杳眇兮餘草莽古山春兮爲  
誰今援哀兮何思風激烈兮楚竹死國殤人悲兮雨颼颼  
雨颼颼兮望君時光茫蕩漾兮化爲水萬古忠貞兮徒爾

爲

奉應顏尙書眞卿觀元眞子置酒張樂舞破陣畫洞

庭三山歌

道流迹異人共驚寄向畫中觀道情如何萬象自心出而  
心澹然無所營手援豪足蹈節披縑灑墨稱麗絕石文亂  
點急管催雲態徐揮慢歌發樂縱酒酣狂更好攢峯若雨  
縱橫埽尺波澶漫意無涯片嶺峻嶒勢將倒盼睠方知造  
境難象忘神遇非筆端昨日幽奇湖上見今朝舒卷手中  
看興餘輕拂遠天色曾向峯東海邊識秋空暮景颯颯容  
翻疑是眞畫不得顏公素高山水意常恨三山不可至賞  
君狂畫忘遠遊不出軒墀坐蒼翠

奉同顏使君眞卿清風樓賦得洞庭歌送吳鍊師歸

林屋洞

名山洞府到金庭三十六洞稱最靈不有古仙啟其秘今  
日安知靈寶經中山鍊師栖白雲道成仙秩號元君三千  
甲子朝玉帝世上如今名始聞吐納青牙養肌髮花冠玉  
舄何高潔不聞天上來謫仙自是人閒授眞訣吳興太守  
道家流仙師遠放清風樓應將內景還飛去且從分風當  
此畱湖之山兮樓上見山冥冥兮水悠悠世人不到君自  
到縹渺仙都誰與儔黃鶴孤雲天上物物外飄然自天匹  
一別千年未可期仙家不數人閒日

洞庭山維諒上人院階前孤生橘樹歌

洞庭仙山但生橘不生凡木與梨栗眞子無私自不栽感  
得一株階下山細葉繁枝委露新四時常綠不關春若言  
此物無道性何意孤生來就人二月三月山初暖最愛低  
簷數枝短白花不用鳥銜來自有風吹手中滿九月十月  
爭破顏金實離離色殷殷一夜天晴香滿山天生珍木異  
於俗俗士來逢不敢觸清陰獨步禪起時徙倚前看看不  
足

兵後西日溪行

并序

沈義仙記銅峴地肺可以逃水又聖桃源記天地改花  
源在卽此地也此一章靈澈上人可以志之

一從清氣上爲天仙叟何年見乾海黃河幾度濁復清此



水如今未曾改西尋仙人渚誤入桃花穴風吹花片使我  
迷時時問山驚踏雪石梁丹竈意更奇自注石梁丹竈銅峴仙人渚靈跡有  
所春草不生多故轍我來隱道非隱身如今世上無風塵  
路是武陵路人非秦代人飯松得高侶濯足偶清津數片

昔賢磐石在幾迴並坐戴綸巾

琮案皎然詩所云石梁丹竈銅峴仙人渚皆在桃源境今志桃源者不知西日溪所任更不知聖挑源記為何書無由得諸主名家君以為石梁即志所稱遇仙橋在秦人洞口橫跨兩山譚友夏詩石梁奇絕為樓生是也銅峴即銅柱山仙人渚即仙人溪丹竈即煉丹臺特未知西日溪所任作志者亦未有舉皎然詩一質之為可歎耳

經仙人渚即沈山下古人沈羲白日昇仙處

日月人間短何時此得仙古山春已盡遺清事空傳不見

鴈雲駕徒臨洗藥泉如今成逝水翻使恨流年

湖南草堂讀書招李少府

削去僧家事南池便隱居爲憐松子壽還卜道家書藥院  
常無客茶樽獨對余有時招逸史來飯野中蔬

酬鄭判官湖上見贈

歲歲湖南隱已成如何星使忽知名沙鷗慣識無心客今  
日逢君不解驚

投知己

若爲令憶洞庭春上有閑雲可隱身無限白雲山要買不  
知山價出何人

釋貫休

十一首

貫休字德隱俗姓姜氏蘭谿人七歲出家日讀經  
千字過目不忘詩亦奇險兼工書畫初爲吳越錢  
鏐所重後謁成汭荆南因忤汭放之黔天復中入  
益州王建禮遇之署號禪月大師或呼爲得得來  
和尚終於蜀有西嶽集今錄其湘中諸作

讀離騷經

湘江濱湘江濱蘭紅芷白波如銀終須一去呼湘君問湘  
神雲中君不知何以交靈均我恐湘江之魚兮死後盡爲  
人曾食靈均之肉兮箇箇爲忠臣又想靈均之骨兮終不  
曲千年波底色如玉誰能入水少取得香沐函題貢上國  
貢上國卽全勝和璞懸璫垂棘結綠

送姜道士歸南嶽

松品落落雪格索索眼有三角頭峭五嶽若不居嶽此處  
難著藥僅貌蠻名鄙彼葫蘆酒滿擔劣起萬里長風嘯一  
聲九貞須拍黃金几落葉蕭蕭□杳□送師言了意未了  
意未了他時爲我致取一部音聲鳥

觀懷素草書歌

張顛顛後顛非顛直至懷素之顛始是顛師不譚經不說  
禪筋力唯於草書朽顛狂卻恐是神仙有神助兮人莫及  
鐵石畫兮壘須入金尊竹葉數斗餘半斜半傾山衲溼醉  
來把筆猱如虎粉壁素屏不問主亂擊亂抹無規矩羅剎  
石上半伍子胥崩通入字立對漢高祖勢崩騰兮不可止

天機暗轉鋒鉞裏閃電光邊霹靂飛古栢身中泮龍死駭  
人心夸目眈眈頓人足夸神辟易乍如沙場大戰後斷槍  
檣箭皆狼籍又似深山朽石上古病松枝挂鐵錫月兔筆  
天竈墨斜鑿黃金側劉玉珊瑚枝長大束束天馬驕獐不  
可勒東卻西南又北倒又起斷復續忽如鄂公喝住單雄  
信秦王肩上剝著棗木槩懷素師懷素師若不是星辰降  
瑞卽必是河岳孕靈固宜須冷笑逸少爭得不心醉伯英  
天台古杉一千尺崖崩側折何崢嶸或細微仙衣半拆金  
綫垂或妍媚桃花半紅公子醉我恐山爲墨夸磨海水天  
與筆夸書大地乃能畧展狂僧意常恨與師不相識一見  
此書空歎息伊昔張渭任華葉李良數子贈歌豈虛飾所

不足者潭未曾道著其神力石橋被燒燒良玉不蝕雖盡  
沙兮印印泥世人世人爭得測知師雄名在世開明月清  
風有何極

晚泊湘江作

煙浪漾秋色高吟似有鄰一輪湘渚月萬古獨醒人岸溼  
穿花遠風香禱廟頻祇應諛佞者到此不傷神

湘上逢故人

故園離亂後十載始逢君長恨南熏奏尋常只自聞荒窗  
秋見岳赤地夜生雲莫歎謀身晚中興正用文

歸故林後寄二三知己

昨別楚江邊逡巡早數年詩雖清到後人更瘦於前岸翠

連喬嶽汀沙入壤田何時重一見談笑有茶煙

漁父

一葉一竿竹眉鬢雪欲零陸應無祖業香必是伊腥兒亦  
名魚鴈歌稱我洞庭回頭深自媿舊業近滄溟

春送禪師歸閩中

春色滿三湘送師還故鄉穿霞逢黑鵝乞食得紅薑大化  
宗門獨孤禪海樹涼儻爲新句偈寄我亦何妨

送僧之湖南

湘水萬餘里師遊芳草生登山乞食後無伴入雲行宿雨  
落花落春牛擁霧耕不知今夜月何處聽猿聲

送僧之湖外

去旨趣非常春風爾莫狂狂擎一鐵鉢舊亦講金剛午飯  
孤煙裏宵禪大石旁談師終不及湘浪淥茫茫

懷南岳隱士二首

案二詩亦見  
孟東野集

千峯映碧湘匡廬此中藏餅不煮石喫眉應似髮長風狂  
支酒甕端融落琴牀雖教忘機者斯人尙未忘

見說祝融峯擎天勢似騰藏千尋瀑布出十八高僧古路  
無人跡新霞出石稜終期將爾叟一月中登

虛中

四首

虛中宜春人客於馬氏住湘西栗城寺與齊已尙  
顏棲蟾爲詩友碧雲集一卷今存詩四首

泊洞庭



河漢清且淺  
槐柳未知秋依依館驛頭客心俱念遠時雨自相留浪沒  
貨魚市帆高賣酒樓夜來思展轉故里在南州

### 善卷壇

耕荒鑿原時高趣在希夷大舜欲遜國先生空斂眉五溪  
清不足千古美無虧縱遣亡淳者何人投所思

### 贈屏風巖栖蟾上人

巖房高且靜住此幾寒暄鹿嗅安禪石猿號乞食村朝陽  
生樹鏹古路透雲根獨我閑相覓淒涼碧洞門

### 聽軒轅先生琴

訣妙與功精通肯膝上橫一堂風冷淡千古意分明坐客  
神魂凝集禽耳目傾酷哉商紂世曾不遇先生

棲蟾八首

棲蟾居南嶽屏風巖

短歌行

蟾光堪自笑浮世懶思量身得幾時活眼開終日忙千門  
無壽藥一鏡有愁霜早向塵埃外光陰任短長

除夜

九冬三十夜寒與暖分開坐到四更後身添一歲來魚銓  
延臘火獸炭化春灰青帝今宜老迎新見幾回

遊邊

邊雲四顧濃飢馬嗅枯叢萬里入九月一身西北風偷營  
天正黑戰地雪多紅昨夜東歸夢桃花煖色中

居南嶽懷沈彬

石房開竹扉茗外獨支頤萬木還無葉百年能幾時隔雲聞猿過截雨見虹垂因憶嶽南客晏眠吟好詩

贈南嶽元秦布衲

曹溪入室人終老甚難羣四十餘年內青山與白雲松和巢鶴看果其野猿分海外僧來說名高自小聞

寄問政山聶威儀

先生臥碧岑諸祖是知音得道無一法孤雲同寸心嵐光蒸瀉茶味敵人褻苦向壺中去他年許我尋

續齊已上人集

詩爲儒者禪此格的惟仙古雅如周頌清和甚彈弦冰生

聽瀑句香發早梅篇想得吟成夜文星照楚天

牧童

牛得自由騎春風細雨飛青山青草裏一笛一簑衣日出唱歌去月明撫掌歸何人得似爾無是亦無非

栖霞一首

栖霞湖南僧全唐詩話栖霞謁韋令公經劍閣失足墮深巖中進一石室乃太乙元君之居值東皇君遣使迎元君會曲龍山覲月元君挈栖霞吟鹿龍同往至則酌醴各爲歌東皇命玉女歌青城丈人詞送元君酒云月珣瑤階泉綺乳玉簫吹鳳和煙舞青城丈人何處遊元鶴唳天雲一縷元君答云危橋橫石架雲端跨鹿登臨景象寬顯魄洗煙澄碧落桂花低拂玉簪寒東皇云造化天橋碧海東玉輪還過嶺晴虹霓襟似拂瀛洲頂顙氣潛消紫籀中栖霞歌云云會散復歸舊洞府元君送栖霞歸已六十餘年矣

龍山翫月

曲龍橋頭翫瀛洲凡骨空陪汗漫遊不假丹梯躡霄漢水

晶盤冷桂花秋

句

閑雲四邊盡浮世一齊低

題祝融峯青瑣集

乾康  
三首

乾康零陵人

唐宋遺史齊已居湘西道林寺康往謁之齊已使謂曰我師門非詩人不

遊大德來非詩人耶請為一詩以代門刺康吟云云已大喜及別送之以詩康有經方干夜居云云為齊已所稱乾德中左補闕王仲知永州康持詩謁觀其老醜試以詩時積雪初消命詠之云云仲驚曰其旨不淺因待以殊禮

投謁齊已

隔岸紅塵忙似火  
管軒青嶂冷如冰  
烹茶童子休相問  
報到門前是衲僧

殘雪

大雪可花已住開  
郡城相次見樓台  
時人莫把和泥看  
一片飛從天上來

經方干故居

錢湖中有月處  
士後無人荻筍抽  
高節鱸魚躍老鱗

沈氏耆舊集前編卷第十一終

沅湘耆舊集前編卷第十二

方外名釋

新化 鄧顯鶴 子立審編

男琮謹輯

釋齊已 古近體詩一百二十七首

齊已名得生姓胡氏潭之益陽人出家大潯山同

慶寺復棲衡岳東林後欲入蜀經江陵高從誨問

為僧正居之龍興寺自號衡岳沙門有白蓮集十

卷 四庫全書總目白蓮集十卷唐釋齊已撰齊已益陽人自號衡岳沙門宋人註杜甫已上人

茅齋詩謂齊已與杜甫同時其謬不待辨舊本題為梁人亦殊舛誤考齊已嘗依高季興為龍興寺

僧正季興雖當受梁官然齊已為僧正時當龍德元年辛巳狂唐莊宗入洛之後矣集申已稱季興

為南平主而陶岳五代史補載徐東野在湖南幕中贈齊已詩陶我唐有僧號齊已安得謂為梁人



耶是集爲其門人西文所編首有天福三年孫光  
惠一序前九卷皆爲近體後一卷古體之後又有  
絕句四十二首疑後人所採輯附入也唐五代編流  
能詩者衆其有集傳於今者惟皎然貫休及齊已  
皎然清而弱貫休豪而麤齊已七言律詩不出當  
時之習其七言古詩以盧仝馬異之體編爲短章  
諸屈聲牙尤不足取惟五言律詩如劍客聽琴祝  
六雖頗沿武功一派而風格獨道如劍客聽琴祝  
融峯諸篇猶有大歷以還遺意其絕句中庚午年  
十五夜對月詩曰海澄空碧正團圓吟想元宗此  
夜寒玉兔有情應記得西邊不見舊長安倦陶  
君尤非他釋子所及宜其與司空圖相契矣餘家  
岳五代史補同慶寺仙多而地廣佃戶僅千餘家  
釋齊已則佃戶胡氏之子也七歲與諸童子爲寺  
司牧牛然天性類恬於風雅之道若有所得往往  
以竹枝畫牛背爲篇什衆僧奇之且欲壯其山門  
遂勸令出家時鄭谷在袁州齊已因攜所爲詩往  
謁焉有早梅詩曰前村深雪裏昨夜數枝開谷笑  
謂曰數枝非早不若一枝則佳齊已瞿然不覺兼  
三衣叩地膜拜自是士林以谷爲齊已一字之師  
其後居於長沙道林寺時湖南幕府中能詩者有  
如徐東野廖凝劉昭禹之徒皆聲名籍甚而徐東

野尤好輕忽雖王公不避也每見齊已必悚然不敢以眾人待之嘗謂同列曰我輩所作皆拘於一途非所謂通方之士若齊已才高思遠無不通殆難及矣論者以徐夷野為知言東野亦常贈之詩其為名上推重如此野為知言東野亦常贈之詩  
 云請改一字方得相見經數日再見云改得作別若中多以為平聲祖三國志中聖人客叢書中酒然齊已柳詩云磔低似中陶潛酒輒極如傷宋玉風乃作仄聲或謂平仄一意僕謂作仄聲自有出處樊噲傳單士中酒注仲反齊已此零陵總記礪水在永州西三十步湘水穿州北十里自零陵合流謂之瀟湘齊已詩云冷水穿州北十里自幾州門沈彬云數家漁網疏雲外一片斜陽細雨過中何涓云雁影數行秋半逢漁歌一聲夜深發名句也琮案山谷集云高氏據有荆州延巳居龍興寺遂作清宮莫問晚歲幸情於詩遂入大鴈山參禪猛利持律清苦晚歲幸情於詩遂作荆州僧正以老今案清宮莫問晚歲幸情於詩遂首等作大抵多感恩商氏語格頗低矣故不具錄梵寶文苑云齊已寓居岳麓謝沈彬再訪詩可稱

深直孤閑其全首最佳者頗多如劍客云收劍  
殘尊歌終便出門彈琴云萬物都寂寂堪聞  
聲聽泉云落石幾萬仞遠聲飄冷空云云鍾伯敬  
謂齊已詩似有一種高渾灑妙之氣翼其心手誦  
此數語信非凡流所敢望也同時徐東野有云我  
唐有僧號齊已未出家時宰相需愛見夢中逢武  
丁毀形自學無生理夫已公既具大根器又得濟  
仰爲之師資乃卒成就一詩僧杜卻此一番夢想  
矣又云昔人謂解吟僧亦俗愛舞崔終卑若遇本  
色道人未免喫棒在其言如此蓋以已公僅爲詩  
僧而少之然如已公一  
詩僧又豈可多得哉

### 煌煌京洛行

聖君垂衣裳蕩蕩若朝旭大觀無遺物四夷來率服清晨  
迴北極紫氣蓋黃屋雙闕聳雙鼇九門如川瀆梯山航海  
至晝夜車相續我恐紅塵深變爲黃河曲

### 猛虎行

磨爾牙錯爾爪獠莫威免莫狡饑來吞噬助腸飽橫行不  
怕日月明星天產爾爲生獐前村半夜聞吼聲何人按劍  
鎧熒熒

君子行

聖人不生麟龍何瑞梧桐不高鳳皇何止吾聞古之有君  
子行藏以時進退求已榮必爲天下榮恥必爲天下恥苟  
進不如此退不如此亦何必用虛僞之文章取榮名而自  
美

日日曲

日日日東上日日日西沒任是神仙容也須感朽骨浮雲  
滅復生芳草死還出不知千古萬古人葬向青山爲底物

苦熱行

離宮劃開赤帝怒喝出六龍奔日駁下土熬熬若煎煮蒼  
生惶惶無處處火雲崢嶸焚焚焚東臯老農腸欲焦何當  
一雨蘇我苗爲君擊壤歌帝堯

黃雀行

雙雙野田雀上下同飲啄暖去栖蓬蒿寒歸傍籬落殷勤  
避羅網乍可遇鵙鵙鵙雖不仁分明在寥廓

巫山高

巫山高巫女妖雨爲暮兮雲爲朝楚王顛覆魂欲銷秋猿  
啼日將夕紅霞紫煙凝老壁千巖萬壑花皆坼但恐芳  
菲無正色不知今古行人幾人經此無秋情雲深廟遠

不可覓十二峯頭插天碧

輕薄行

玉鞭金鐙驂騶蹕橫眉吐氣如虹霓  
五陵春暖芳草齊笙歌到處花成泥  
日沈月上且鬪雞醉來莫問天高低  
伯陽道德何唾夷仲尼禮樂徒卑栖

採蓮曲

越溪女越江蓮齊菡萏雙嬋娟  
嬉遊向何處採摘且同船  
浩唱發容與清波生漪漣時逢島嶼泊  
幾其鴛鴦眠襟袖既盈溢馨香亦相傳  
薄暮歸去來芰蘿生碧煙

行路難

行路難君好看驚波不在艤  
蹇閒小人心裏藏崩湍七盤

九折寒皆萃翻車倒蓋猶堪出未似是非屑舌危闇中潛  
毀平人骨君不見楚靈均千古沈冤湘水濱又不見李太  
白一朝卻作江南客

善哉行

大鵬刷翮謝溟渤青雲萬層高突出下視秋濤空渺瀰舊  
處魚龍皆細物人生在世何容易眼濁心昏信生死願除  
嗜慾待身輕攜手同尋列仙事

漁父

夜釣洞庭月朝醉巴陵市卻歸君山下魚龍窟邊睡生汴  
在何處白浪千萬里曾笑楚臣迷蒼黃汨羅水

啄木

啄啄鳴林響  
堅貪心既緣利嘴斯鑿有朽百尺微蟲  
斯宅以啄去害啄更彌劇層崖豫章聳幹蒼蒼無縱爾啄  
摧我棟梁

耕叟

春風吹蓑衣  
暮雨滴箬笠夫婦耕其勞兒孫飢對泣田園  
高且瘦賦稅重複急官倉鼠雀羣共待新租入

湘妃廟

湘煙濛濛湘水急汀露凝紅哀蓮溼蒼梧雲疊九疑深二  
女魂飛江上立相攜泣鳳蓋龍輿追不及廟荒松朽號飛  
猩笏鞭迸出階基傾黃昏一岸陰風起新月如眉生陂水

讀李白集



竭雲濤刻巨鼇搜括造化空牢牢冥心入海海神怖驪龍  
不敢爲珠主人閒物象不供取飽飲遊神向懸圃銷金鏗  
玉千餘篇膾吞炙嚼人口傳須知一一丈夫氣不是綺羅  
兒女言

西山叟

西山中多狼虎去歲傷兒復傷婦官家不問孤老身還共  
前山山下住

石竹花

石竹花開照庭石紅蘚自稟離宮色一枝兩枝初笑風猩  
猩血澱低低叢常嗟世眼無真鑒卻被丹青苦相陷誰爲  
根尋造化功爲君吐出淳元膽白日常午方盛開彤霞灼

灼臨池臺繁香濃豔如未已粉蝶遊蜂狂欲死

贈仰上人

避地依真境安閑似舊溪干戈百里外泉石亂峯西草瑞  
香難歇松靈蓋盡低尋應報休馬瓶錫向南攜

夜坐

百蟲聲裏坐夜色其冥冥遠憶諸峯頂曾栖此性靈月華  
澄有象詩思在無形微曙都忘寢虛窗日照經

送東林寺睦公往吳國

八月江行好風帆日夜飄煙霞經北固禾黍過南朝社客  
無宗炳詩家有鮑昭莫因賢相請不返舊山椒

送祕上人

誰喜老閑身春山起送君欲憑蓮社信轉入洞庭雲道路  
長無阻干戈漸不聞秋來向何處相憶雁成羣

過荆門

路出荆門遠行行日欲西草枯螢塚亂山斷漢江低野店  
叢蒿短煙村簇樹齊翻思故林去在處有猿啼

永夜感懷寄鄭舍郎中

展轉復展轉所思安可論夜涼難就枕月好重開門霜殺  
百草盡蛩歸四壁根生來苦章句早遇至公言

劍客

拔劍連殘樽歌終便出門西風滿天雪何處報人恩勇死  
尋常事輕臂不足論翻嫌易水上細碎動離魂

野步

城裏無閑處卻尋城外行  
田園經雨水鄉國憶桑耕  
傍澗蕨薇老隔村岡隴橫  
何窮此心興時復鷓鴣聲

病起二首

一臥四十日起來秋氣深  
已甘長逝魄還見舊交心  
撐拄筇猶重枝梧力未任  
終將此形陋歸死故邱林  
秋風已傷骨更帶竹聲吹  
抱疾關門久扶羸傍砌時  
無生卽不可有死必相隨  
除卻歸眞覺何由擬免之

登大林寺觀白太傅題版

九疊蒼崖裏禪家鑿翠開  
清時誰夢到白傅獨尋來  
怪石和僧定閑雲共鶴迴  
任茲休去者心是不然灰

贈曹松先輩

今歲赴春闈達如夫子稀山中把卷去榜下注官歸楚月  
吟前落江禽酒外飛閑遊向諸寺卻看白麻衣

案此詩知曹松爲  
楚人益無可疑矣

夏日梅雨中寄睦公

梅月來林寺冥冥各閉門已應雙履跡全沒亂雲根琢句  
心無味看經眼亦昏何時見清齋招我凭巖軒

傷鄭谷郎中

鍾陵千首作筆絕亦身終知落干戈裏誰家煨燼中吟齋  
春長蕨釣渚夜鳴鴻惆悵秋江月曾招我看同

臨行題友生壁

山衲宜何處經行避暑深  
峯西多古寺日午亂松陰  
鶴默堪分靜蟬涼解助吟  
慙慙題壁去秋早此相尋

別東林後迴寄修睦

昨夜從香社辭君出薜蘿  
晚來巾舄上已覺俗塵多  
遠路繁芳草遙空共白波  
南朝在天末此去重經過

落花

朝開幕亦衰雨打復風吹  
古屋無人處殘陽滿地時  
靜依青蘚片閑綴綠莎枝  
繁豔根枝在明年向此期

秋苔

獨憐蒼翠文長與寂寥存  
鶴靜窺秋片僧閑踏冷痕  
月明疏竹徑雨歇敗莎根  
別有深宮裏兼花鎖斷魂

老將

破虜與平戎曾居第一功  
明時不用武白首向秋風  
馬病霜飛草弓閑雁過空  
兒孫已成立膽氣亦英雄

城中示友人

久與寒灰合人中亦覺閑  
重城不鎖夢每夜自歸山  
雨破冥鴻出桐枯井月還  
唯君道心在來往寂寥閒

送友人遊湘中

懷才難自任此去亦如僧  
何處西風夜孤吟旅舍鐙  
路沿湘樹疊山入楚雲層  
若有東來札歸鴻亦可憑

嚴陵釣臺

夫子垂竿處空江照古臺  
無人更如此白浪自成堆  
鶴靜

尋僧去魚狂入海迴登臨秋值晚樹石盡多苔

原上晚望

倚杖聊攬望寒原遠近分夜來何處火燒出古人墳野勢  
盤空澤江流合暮雲殘陽催百鳥各自著栖羣

送惠空上人歸

塵中名利熱鳥外水雲閑吾子多高趣秋風獨自還空囊  
隨客櫂幾宿泊湖山應有吟僧在鄰居樹影閒

酬章水知已

新吟忽有寄千里到荆門落日雲初碧殘年眼正昏已爲  
難敵手誰更入深論後信多相寄吾生重此言

溪齋



豈敢言招隱歸休喜自安一溪雲臥穩四海路行難瑞獸  
藏頭角幽禽惜羽翰子歆何處在老盡碧琅玕

寄止荆渚因夢廬岳乃圖壁賦詩

夢繞嵯峨裏神疏骨亦寒覺來誰共說壁上自圖看古翠  
松藏寺春紅杏溼壇歸心幾時遂日向漸衰殘

過鹿門作

鹿門埋孟子峴首載羊公萬古千秋裏青山明月中政從  
襄沔絕詩過洞庭空塵路誰迴眼松聲兩處風

秋日錢塘作

秋光明水國遊子倚長亭海浸全吳白山澄百越青英雄  
賁黎庶封土絕精靈句踐魂如在應慙戰血腥

友人寒夜所寄

通宵亦孤坐但念舊峯雲白日還如此清閑本共君一毛  
凋一半百歲去三分早晚尋流水同歸麋鹿羣

酬洞庭陳秀才

何必要識面見詩驚苦心此門從自古難學至如今青草  
湖雲閣黃陵廟木深精搜當好景得卽動知音

登金山寺

四面白波聲中流翠嶠橫望來堪目斷土徹始心平鳥向  
天涯去雲連水國生重來與誰約題罷自吟行

寄明月山僧

山稱明月好月出徧山明要上諸峯去無妨半夜行白猿

真雪色幽鳥古琴聲吾子居來久應忘我在城

覽延栖上人卷

今體雕鏤妙古風研考精何人忘律韻爲子辨詩聲賈島  
苦兼此孟郊清獨行荆門見編集媿我老無成

寄懷江西僧達禪翁

長憶舊山日與君同聚沙未能精貝葉便學詠楊花苦甚  
傷心骨清還切齒牙何妨繼餘習前世是詩家

送吳守明先輩遊蜀

憑君遊蜀去細爲話幽奇喪亂嘉陵驛塵埃賈島詩未應  
過錦府且合上峨嵋既逐高科後東西任所之

荆門送興禪師

灑落南宗子遊方跡似雲青山尋處處赤葉落紛紛虎共  
松巖宿猿和石澗聞何峯一迴首憶我在人羣

過西山施肩吾舊居

大志終難起西峯臥翠堆牀前倒秋壑枕上過春雷鶴見  
丹成去僧聞栗熟來荒齋松竹老鸞鶴自裴回

喜夏雨

四郊雲影合千里雨聲來盡洗紅埃去併將清氣迴潺湲  
浮楚甸蕭散露荆臺欲賦隨車瑞濡豪渴謏才

寄江西幕中孫飭員外

簪履爲官興芙蓉結社緣應思陶令醉時訪遠公禪茶影  
中殘月松聲裏落泉此門曾共說知未遂終焉

過陳陶處士舊居

一室貯琴尊詩皆大雅言  
夜過秋竹寺醉打老僧門  
遠燒來籬下寒蔬簇石根  
閑庭除鶴跡半是杖頭痕

湘江漁父

湘潭春水滿岸遠草青青  
有客釣煙月無人論醉醒  
門前蛟蜃氣蓑上蕙蘭馨  
曾受蒙莊子逍遙一卷經

書古寺僧房

綠樹深深處長明焰焰燈  
春時遊寺客花落閉門僧  
萬法心中寂孤泉石上澄  
勞生莫相問喧默不相應

湖西道人

老隱洞庭西漁樵共一溪  
琴前孤鶴影石上遠僧題  
橘柚

園林熟蒹葭徑路迷君能許鄰並分藥斲春畦

落日

晚照背高臺殘鐘殘角催能銷幾度落已是半生來吹葉  
陰風發漫空暝色迴因思古人事更變盡塵埃

春興

柳暖鶯多語花明草盡長風流在詩句率率遶池塘叫切  
禽名字飛忙蜨姓莊時來眞可惜自勉掇蘭芳

遠山

天際雲根破寒山列翠迴幽人當立久白鳥背飛來瀑濺  
何州地僧尋幾嶠苔終須拂巾履獨去謝塵埃

和鄭谷郎中幽棲之什

誰知閑退跡門逕入寒汀靜倚雲僧杖孤看野燒星墨霽  
吟石黑苔染釣船青相對唯溪寺初宵聞念經

勉道林謙光鵠蘊二姪

舊林諸姪在還住本師房共埽焚修地同聞水石香莫將  
閑世界擬敵好時光須看南山下無名塚滿岡

謝澠湖茶

澠湖唯上貢何以惠尋常還是詩心苦堪消蠟面香碾聲  
通一室烹色帶殘陽若有新春者西來信勿忘

倦客

閉眼卽開門人閒事倦聞如可迎好客不似看閑雲少欲  
資三要多言讓十分疏慵本吾性任笑早離羣

謝人墨

珍重歲寒煙攜來路幾千只應真典誥消得苦磨研正色  
浮端硯精光動蜀牋因君強濡染捨此卽忘筌

贈無本上人

往年吟月社因亂散揚州未免無端事何妨出世流洞庭  
禪過臘衡岳坐經秋終說將衣鉢天台老去休

寄華山司空圖

天下艱難際全家入華山幾勞丹詔問空見使臣還瀑布  
寒吹夢蓮峯翠溼關兵戈阻相訪身老瘴雲閒

懷道林寺因寄仁用二上人

名山知不遠長憶寺門松昨晚登樓見前年過夏峯雨餘



雲脚樹風外日西鐘莫更來東岸紅塵沒馬蹤

尋陽道中作

秋聲連岳樹草色徧汀洲多事時爲客無人處上樓雲疏  
片雨歇野闊九江流欲向南朝去詩僧有惠休

東林雨後望香爐峯

翠溼僧窗裏寒堆鳥道邊靜思尋去路急遶落來泉暮雨  
閒青壁朝陽照紫煙二林多長老誰憶上頭禪

送人遊雍京

君來乞詩別脚與愴前程九野未無事少年何遠行商雲  
盤翠險秦甸下煙平應見周南化如今在雍京

寄唐洙處士

行僧去湘水歸雁度荆門彼此亡家國東西役夢魂多慵  
如長傲久住不生根曾問興亡事丁甯寄勿言

江上值春雨

江皋正月雨平陸亦波瀾半是峨嵋雪重爲澤國寒農田  
淹寢盡客權往來難愁殺騷人路滄浪正渺漫

登祝融峯

猿鳥其不到我來身欲浮四邊空碧落絕頂正清秋宇宙  
如何極華夷見細流壇西獨立久白日轉神州

寄貫休

子美曾吟處吾師復去吟是何多勝地銷得二公心錦水  
流春闊峨嵋疊雪深時逢蜀僧說或道近遊黔

送唐稟正字歸萍川

霜鬢芸閣吏久掩白雲扉來謁元戎後還騎病馬歸煙村  
蔬飲淡江驛雪泥肥知到中林日春風長澗薇

寄監利司空學士

詩家爲政別清苦日聞新亂後無荒地歸來盡遠人寬容  
民賦稅憔悴吏精神何必河陽縣坐傳桃李春

寄武陵道友

阮肇迷仙處禪門接紫霞不知尋鶴路幾里入桃花晚樹  
陰搖鮮春潭影弄砂何常見招我乞與片生涯

再經蔣山與諸長老夜話

遠迹都如雁南行又北迴老僧猶記得往歲已曾來話遍

名山境燒殘黑樸灰無因伴師往歸思在天台

戊辰歲江南感懷

忽忽動中私人閒何所之老過離亂世生在太平時桃李  
春無主杉松寺有期曾吟子山賦何啻舊淩遲

答友生山居寄示

嘉遁有新吟因僧寄竹林靜思來鳥外閑味遶松陰兵寇  
憑凌甚溪山幾許深休爲反招隱攜取一相尋

秋夜聽業上人彈琴

萬物都寂寂堪聞彈正聲人心盡如此天下自和平湘水  
瀉秋碧古風吹太清往年廬岳奏今夕更分明

荆門病中寄懷貫微上人

沙洲老叟集 前集卷第十二 五  
我衰君亦老相憶更何言除泥安禪力難醫必死根梅寒  
爭雪彩日冷讓冰痕早晚東歸去同尋入石門

答孔秀才

早向文章裏能降少壯心不愁人不愛閑處自閑吟水國  
雲霄闊僧園竹樹深無嫌我衰颯時此一相尋

自遣

了然知是夢既覺更何求死入孤峯去灰飛一燼休雲無  
空碧在天靜月華流免有諸徒弟時來弔石頭

秋夕寄諸姪

每到秋殘夜燈前憶故鄉園林紅橘柚窗戶碧瀟湘離別  
身垂老艱難路去長弟兄應健在兵火裏耕桑

憶在匡廬日

憶在匡廬日秋風八月時  
松聲虎溪寺塔影雁門師  
步屐蒹葭徑吟香藹舊池  
竹常舊泉石歸去洗心脾

寄三覺山從益上人

山下人來說多時不下山  
是應終未是閑得且須閑  
海面雲歸寶筏邊月上關  
尋思亂峯頂空送衲僧還

寄何崇邱員外

門底桃源水涵空復映山  
高吟煙雨霽殘日郡樓閒  
變俗眞無事分題是不閑  
尋思章岸見全未有年顏

早秋寄友生

雨多殘暑歇蟬急暮風清  
誰有閑心去江邊看水行  
縈遙

步清言集 市新名錄 十二  
紅蓼簇野濶白煙平試折秋蓮葉題詩寄竺卿

喜訾公自武陵至

已盡滄浪興還思相楚行  
贊全無舊黑詩別有新清  
臨寒水時來叩靜荆囊中  
有靈藥終不獻公卿

寄舊居隣友

別後知何趣搜奇少客同  
幾層山影下萬樹雪聲中  
晚照烹茶綠晨園鬪粟紅  
何時攜卷出世代有名公

送朱秀才歸閩

荆門來幾日欲往又囊空  
遠客歸南越單衣背北風  
近鄉微有雪到海漸無鴻  
努力成詩業無謀謁至公

送冰禪再往湖中

行心甯竹住南去與誰羣碧落高空處清秋一片雲穿林  
瓶影滅背雨鋤聲分應笑遊方人龍鍾楚水濱

送游山道者

我亦遊山者常經舊所經雪消天外碧春曉海中青可見  
亂離世況臨衰病形憐君此行興獨入白雲屏

寄答武陵幕中何支使二首

十萬雄軍幕三千上客才何當談笑外遠慰寂寥來騷雅  
鏘金擲風流醉玉頽爭知江雪寺老病向寒溪

南州無百戰北地有長征閑殺何從事傷哉蘇子卿江樓  
聯雪句野寺看春耕門外滄浪水風波雜雨聲

浙江晚渡



去年曾到此久立滯前程歧路時難處風濤晚未平汀蟬  
含老韻岸荻簇枯聲莫泥關河險多遊自遠行

送人下第東歸再謁舊主人

一戰偶不捷東歸計未空還攜故書劍去謁舊英雄楚雪  
連吳樹西江正北風男兒藝若是會合值明公

寄仰山光味長者

大仰禪棲處杉松到頂陰下來雖有路歸去每無心鳥道  
峯形直龍湫石影深經行誰得見半夜老猿吟

貽廬岳陳沆秀才

爲儒老雙鬢勤苦竟何如四海方磨劍空山自讀書石闢  
泉眼碧秋落洞庭虛莫思搜賢僻徵君舊此居

清夜作

不惜白日短乍容清夜長坐聞風露滴吟覺骨毛涼興廢  
無諸病空閑有一味天明振衣起苔砌落花香

懷洞庭

憶過巴陵歲無人問去留中宵滿湖月獨自在僧樓漁父  
真閑唱靈均是謾愁今來欲長往誰借木蘭舟

送人遊武陵湘中

爲子歌行樂西南入武陵風煙無戰士賓榻有吟僧山遶  
軍城疊江臨寺閣層遍尋幽勝了湘水泛清澄

貽徐生

可能東海子清苦在貧居埽地無閑客堆窗有古書少年

猶若此向老令何如去歲頻相訪今來見亦疏

寄東林言之禪子

聞思相送後幽院閉苔錢使我吟還廢聞君病未痊聽秋  
唯困坐怕客但佯眠可惜東窗月無聊過一年

寒節日寄鄉友

歲歲逢寒食寥寥古寺家踏青思故里垂白看楊花原野  
稀疏雨江天冷澹霞滄浪與湘水歸憾其無涯

次耒陽作

遶岳復沿湘衡陽又耒陽不堪思北客從此入南荒旦夕  
多猿狖淹留少雪霜因經杜公墓惆悵學文章

聞尙顏下世

岳僧傳的信聞在麓山亡郡有爲詩客誰來一影堂夢休  
尋溺迹已絕瀟湘遠憶同吟石新秋檜栢涼

早梅

萬木陳欲折孤根暖獨迴前村深雪裏昨夜一枝開風遣  
幽香去禽窺素豔來明年如應律先發映春臺

聽泉

落石幾萬仞冷聲飄遠空高秋初雨後半夜亂山中只有  
照壁月更無吹葉風幾曾廬岳聽到曉與僧同

聽李尊師彈琴

仙子弄瑤琴仙山松月深此聲含太古誰聽到無心灑石  
霜千片歎崖泉萬尋何人傳指法攜向海中岑

看水

范蠡東浮濶靈均北泛長誰知遠煙浪別有好思量故國  
門前急天涯櫂裏忙難收上樓興渺漫正斜陽

寄樓白上人

萬國爭名地吾師獨此閑題詩招上看雪下南山內殿  
承恩久中條進表還常因秋貢客少得掩禪關

自題

禪外求詩妙年來鬢已秋未嘗將一字容易謁諸侯挂夢  
山皆遠題名石盡幽敢言梁太子傍采碧雲流

夏日言懷

苦被流年迫衰羸老病情得歸青嶂死便共白雲生樹梢

燒燼舊崖棲跡聲此心人信否魂夢自分明

寓居嶽麓謝進士沈彬再訪

去歲來尋我畱題在薛痕又因風雪夜重宿古松門玉有  
疑休泣詩無主且言明朝此相送被褐入桃源

酬元員外

清洛碧嵩根寒流白照門園林經難別桃李幾株存衰老  
江南口淒涼海上村閒來曬朱紱淚滴舊朝恩

寺居

鄰井雙梧上一蟬鳴隔牆依稀舊林日掠亂遶山堂難嘿  
吟風口終清飲露腸老僧加護物應任噪斜陽

殘秋感愴

日日加衰病，心心趣寂寥。殘陽起閑望，萬木聳寒條。楚寺  
新爲客，吳江舊看潮。此懷何以寄，風雨暮蕭蕭。

傷秋

旦暮餘生在，肌膚十分無。眠寒半榻朽，立月一株枯。夢已  
隨雙樹，詩猶卻萬夫。名山歸未得，可惜死江湖。

湘中感懷

漁翁那會我，倏兀葦邊行。亂世難逃跡，乘流擬濯纓。江花  
紅細碎，沙鳥白分明。向夕題詩處，春風斑竹聲。

九部

詩集卷第十三

方外名

新化

鄧顯鶴

子立審編

男琮謹識

釋齊己 近體詩九十四首

巡谷山寺

城裏尋常見碧稜水邊朝暮送歸僧數峯雲腳垂平地一  
徑松聲徹上層寒澗不生浮世物陰崖猶積去年冰此身  
有底難拋事時復攜筇信步登

題贈湘西龍安寺利禪師

頭白已無行腳念自開荒寺住煙蘿門前路到瀟湘盡石  
上雲歸岳麓多南祖衣盂曾禮謁東林泉月舊經過閑來



松外看城郭一片紅塵隔逝波

寄道林寺諸友

吟興終依異境長舊遊時入靜思量江聲裏過東西寺樹  
影中行上下方春色溼僧巾屢膩松花沾鶴骨毛香老來  
何計重歸去千里重湖浪渺茫

宿江寺

島僧留宿慰衰顏舊住何妨老未還身共錫聲離島外跡  
同雲影過人間曾無夢入朝天路憶有詩題隔海山珍重  
來晨渡江去九華青裏叩松關

乞櫻桃

去年曾賦此花詩幾聽南園爛熟時嚼破紅香堪換骨攜

吳丹願欲燒枝流鶯偷啄心應醉行客潛窺眼亦癡聞說  
張筵就珠樹任從攀折半離披

寄歐陽侍郎

又聞繁總在嘉州職重身閑倚寺樓大象影和山面落兩  
江聲合郡前流棋輕國手知難敵詩是天才肯易酬畢竟  
男兒自高遠從來心不是悠悠

題畫鶯鶯兼簡孫郎中

曾向滄江看不真卻因圖畫見精神何妨金粉資高格不  
用丹青點此身蒲葉岸長堪映帶荻花叢晚好相親思量  
畫得勝籠得野性由來不戀人

賀行軍太傅得白氏東林集

樂天歌詠有遺編  
畱在東林伴白蓮  
百尺典墳隨喪亂  
一家風雅獨完全  
常聞荆渚通侯論  
果遂吳都使者傳  
仰賀斯文歸朗鑒  
永資聲政入薰弦

將之匡岳過尋陽

帆過尋陽晚霽開  
西風北雁似相催  
大都浪後青堆沒  
五老雲中翠疊來  
此路便堪歸水石  
何門更合向塵埃  
遠公林下蓮池畔  
箇箇高人盡有才

宿沈彬進士書院

胡虜只爲話篇章  
踏雪曾來宿此房  
喧滑盡消賊滿瀆  
國步初危岳茶香  
舊山春暖生薇蕨  
大國庠序懼殺傷  
應有太平時節在  
無宵來臥共思量

靜院

花院相重點破苔誰心宵此話心灰好風時傍疏簷起幽  
鳥晚從何處來筆硯興狂師沈謝香鐙魂斷憶宗雷浮生  
已問空王了箭急光陰一任催

送白處士遊峨嵋

閑身誰道是羈遊西指峨嵋碧頂頭琴鶴幾程隨客棹風  
霜何處宿龍湫尋僧石磴臨天井刷藥秋崖倒瀑流莫爲  
衰瀛多事在客星相逐不迴休

寄顧蟾處士

久聞爲客過蒼梧休說攜家歸鏡湖山水顛狂應盡在鬢  
毛凋落免貧無和僧搶入雲中峭帶鶴驅成澗底孤春醉

酹來有餘興因人乞與武陵圖

懷金陵知舊

海門相別住荆門六度秋光兩鬢根萬象剝心難蓋日一  
生無事可傷魂石頭城外青山疊北固窗前白浪翻盡是  
共游題版處有誰惆悵拂苔痕

驚秋

曉窗驚覺 秋風萬里心凝淡蕩中池影碎翻紅菡萏井  
聲乾落綠梧桐破除閑事渾歸道銷耗勞生旋逐空妖殺  
九原狐兔意豈知邱隴是英雄

寄曹松

舊制新題削復刊

夫其甚焉 以可樂中求見黃芽易詩

同白雪難叩寂頗同心狂定鑿空何止髮衝冠不來  
月苦懷高論數樹霜邊獨傍欄

酬蜀國歐陽學士

因緣劉表駐經行又聽西風墮葉聲鶴髮不堪言此世峨  
峴空約狂他生已從禪祖參真性敢向詩家認好名深愧  
故人憐潦倒每傳仙語下南荆

荆渚感懷寄僧達禪弟三首

電掣流年七十三齒衰氣沮竟何堪誰云有句傳天下自  
愧無心寄嶺南曉漱氣嫌通市井晚烹香憶落雲潭鄰峯  
迥者應彈指薜剝藤纏舊石龕

十五年前會虎溪白蓮齋後便來西干戈時變信雖絕吳

楚路長魂不迷黃葉喻曾同我悟碧雲情近與誰攜春殘  
相憶荆江岸一隻杜鵑頭上囀  
爲僧來細話君依前高尙跡難羣自拋南岳三生石長  
傍西山數片雲丹訪葛洪無舊竈詩尋靈觀有遺文莫將  
離別爲相隔心似虛空幾處分

題鄭郎中谷仰山居

簷壁層層映水天半乘岡隴半民田王維愛甚難拋畫支  
遁高多不惜錢巨石盡含金玉氣亂峯深鎖棟梁煙秦爭  
漢奪虛勢力卽是巢由得穩眠

早鶯

何處尋年闕好音暖風催出轉喬林羽毛未滿暫鳴吟

舌初調叔夜琴怕雨並棲紅杏密避人雙入綠楊深曉來  
枝上千般語似共桃花訴舊心

瀟湘

寒青健碧遠相含珠媚根源在極南流古遺今空作島逗  
山衝壁自爲潭遷來賈誼愁無限謫過靈均恨不堪畢竟  
輸他老漁叟綠簑青竹釣濃藍

山中春懷

心勞役役不曾歸萬象相牽向極微所得或憂逢郢刃凡  
言皆欲奪天機遊深晚谷香充鼻坐苦春松粉滿衣何物  
不爲狼籍境桃花和雨更霏霏

寄萍鄉唐稟正字



新書聲似滿皇都高臥林中更起無春興酒香薰肺腑夜  
吟雲氣溼髭鬚同登水閣僧皆別其上漁船鶴亦孤長憶  
前年送行處洞門殘日照菖蒲

秋夕書懷

涼多夜永擁山袍片石閑欹不覺勞蟋蟀遶牀無夢寐梧  
桐滿地有蕭騷平生樂道心常切五字逢人價合高破落  
西窗向殘月露聲如雨滴蓬蒿

亂後經西山寺

松燒寺破是刀兵谷變陵遷事可驚雲裏乍逢新住主石  
邊重認舊題名閑臨菡萏荒池坐亂踏鴛鴦破瓦行欲伴  
高僧重結社此身無計捨前程

題梁賢吳公房

吳王廟側有高房，簾影南軒日正長。  
吹苑野風桃葉碧，墜畦春露菜花黃。  
懸燈向後惟冥默，凭案前頭卽渺茫。  
知有虎溪歸夢切，寺門松折社僧亡。

送人自蜀迴南遊

錦水東浮情尙鬱，湘波南泛思何長。  
蜀魂巴狄悲殘夜，越鳥鶯鶯叫夕陽。  
煙月幾般爲客路，林泉四絕是吾鄉。  
尋幽必有僧相指，宋杜題詩近舊房。

懷瀟湘卽事寄友人

汶野涇空澹蕩，和十年鄰住聽漁歌。  
城臨遠壑浮煙泊，寺近閑人泛月過。  
岸引綠蕪春雨細，汀連斑竹晚風多。  
可憐

千古懷沙處還有魚龍弄白波

謝橘洲人寄橘

洞庭栽種似瀟湘綠遠人家帶夕陽  
霜裏露蒸平樹熟浪聞風撼一洲香  
洪崖遺後名何遠陸續懷來事更長  
藏貯待供賓客好石榴宜稱映丹光

寄益上人

長想尋君道路遙亂山霜後火新燒  
近聞移住鄰衡岳幾度題詩上石橋  
古木傳聲連峭壁一鐙懸影過中宵  
風騷味薄誰相愛敬枕常多夢鮑昭

送畧禪者歸南岳

林下鐘殘又拂衣錫聲還隔向南飛  
千峯合處冥鴻處一

進驛客歸青石上行苔片片古杉邊宿雨霽  
難勞生  
竹願應回首忍著無心與物違

詠懷空知已

已得浮生到老閑且將新句擬元關  
自知精興來無盡誰  
道淳風去不還三百正聲傳世後五千真理在人閒  
此心  
終待相逢說時復登樓看暮山

寄吳拾遺

新竹將誰擁重輕皎然評裏見權衡  
非無苦到難搜處合  
有清垂不朽名疏雨晚衝蓮葉響  
亂蟬涼抱檜梢鳴野橋  
閑背殘陽立翻意蘇卿送子卿

春晴感興

連旬陰翳曉來晴水滿圓塘照日明岸草短長邊過客江  
花紅白裏呢鶯野無征戰時堪望山有樓臺煖好行桑柘  
依依禾黍綠可憐歸去是張衡

謝道友拄杖

翦自南巖瀑布邊寒光七尺乳珠連持來未入塵埃路乞  
與應憐老病年欲彫夜歸青石澗卓痕秋過綠苔錢他時  
攜上嵩峯頂把倚長松看洛川

東林寄別修睦上人

行心乞得見秋風雙履難留去住蹤紅葉正多離社客白  
雲無限向嵩峯囊中自欠詩千首身外誰知事幾重此別  
不能爲後約年華相似逼衰容

靜坐

繩牀欹坐任崩頽  
雙眼醒醒閉復開  
日月更無閑裏過  
風騷時有靜中來  
天真自得生難捨  
世幻誰驚死不迴  
何處堪投此蹤跡  
水邊晴去上高臺

答无願上人書

鄭生驅蹇峴山迴  
傳得安公好信來  
千里阻修俱老骨  
八行重疊慰寒灰  
春殘桃李猶開戶  
雪滿松杉始上臺  
必有南遊山水興  
漢江平穩好浮杯

送允公歸闕

西朝歸去見高情  
應戀香鐙近聖明  
關令莫疑非馬辯  
道安還跨赤驄行  
充齋野店蔬無味  
灑笠平原雪有聲  
忍惜

文章便閑得看他趨競取時名

湖上逸人

澹蕩光中翡翠飛  
田田初出柳絲絲  
吟沿綠島時逢鶴  
醉泛清波或見龜  
七澤釣師應識我  
中原逐鹿不知誰  
秋風水寺僧相近  
一徑蘆花到竹籬

懷巴陵

垂白堪思大亂前  
薄遊曾駐洞庭邊  
尋僧古寺沿沙岸  
倚杖殘陽落水天  
蘭藥香涇騷客廟  
煙波晴闊釣師船  
此時欲買君山住  
嬾就商人乞箇錢

渚宮謝楊秀才自嵩山相訪

嵩峯有客遠相尋  
塵滿麻衣袖苦吟  
花盡草長方閉戶  
道

孤身老正傷心紅堆落日雲千仞碧撼涼風竹一林惆悵  
雅聲消歇去喜君聊此暫披襟

送李秀才歸湘中

詞客攜文訪病夫因吟送別憶湘湖寒消浦溆催鴻雁暖  
入溪山養鷓鴣僧向月中尋岳麓雲從城上去蒼梧君歸  
爲問峯前寺舊住僧房鎖在無

和西蜀可準大師遠寄之什

莫知何路去追攀空想人閒出世閒杜口已同居士室傳  
心休問祖師山禪中不住方爲定說處無生始是閑珍重  
希音遠相寄亂峯西望疊孱顏

送休師歸長沙甯覲



高堂親老本師存多難長懸兩處魂已說戰塵消漢口便  
隨征櫓別荆門晴吟野樹無耕地晚宿陂深有釣村他日  
更思衰老否七言相伴琢詩言

渚宮春日因懷有作

舊業樹連湘樹遠家山雲與嶽雲平僧來已說無耕釣雁  
去却知有弟兄客思莫牽胡蝶夢鄉心自憶鷓鴣聲沙頭  
南望堪腸斷誰把歸舟載我行

湘江送客

湘江秋色湛如冰楚客離懷暮不勝千里碧雲聞塞雁幾  
程青草見巴陵寒濤響疊晨征榜岸葦叢明夜泊鐙鷗鷁  
洲邊若回首爲思前事一捫膺

暮遊岳麓寺

寺樓高出碧崖稜城裏誰知在上層初雪灑來喬木暝遠  
禽飛過大江澄閑消不睡憐長夜靜照無言謝一燈迴首  
何邊是空地四村桑麥遍邱陵

林下畱別道友

住亦無依去是閑何心終戀此林閒片雲孤鶴東西路四  
海九州多少山靜坐趁涼移樹影興隨題處著苔斑秋來  
洗浣行衣了還爾鄰僧舊竹關

道林寺居寄岳麓禪師二首

門前石路徹中峯樹影泉聲在半空尋去未應勞上下往  
來殊已倦西東花根盡白孤雲並心跡全忘片月同長憶

高窗夏天裏古松青檜午時風

山袍不稱下紅塵各是閑居島外身  
兩處煙霞門寂寂一般苔蘚石磷磷  
禪關悟後甯疑物詩格元來不傍人  
月照經行更誰見露華松粉點衣巾

宜春江上寄仰山長老

雨晴天半碧光流影倒殘陽溼  
郡樓絕頂有人經劫在浮生無客  
暫時遊窗開萬壑春泉亂塔鎖孤  
鐙萬木稠欲爲吾師拂衣去白雲  
紅葉又新秋

湘中送翁員外歸閩

船滿琴書與酒杯清湘影裏片帆開  
人歸南國鄉園去雁逐西風日夜來  
天勢漸低分海樹山程欲盡見城臺  
此身

未別江邊寺猶看星郎奉詔迴

寄居道林寺作

嵐溼南朝殿塔寒此中因得謝塵寰已同庭樹千株老未  
負溪雲一片閑石鏡舊遊臨皎潔岳蓮曾上徹孱顏如今  
衰颯成多病黃葉風前晝掩關

看雲

何峯觴石溼苔錢便逐高風離瀑泉深處臥來真隱逸上  
頭行去是神仙千尋有影滄江底萬里無蹤碧落邊長憶  
舊山青壁裏遙庵閑伴老僧禪

荆門疾中喜謝尊師自南嶽來相里秀才自京至

閑堂晝臥眼初開強起徐行遶砌苔鶴筆人從衡嶽至鵲

客自洛陽來坐聞鄰樹栖幽鳥吟覺江雲發早雷西笑  
東遊此相別兩途消息待誰迴

送謝尊師自南嶽出入京

曾聽鹿鳴逢世亂因披羽服隱衡陽幾多事隔丹霄興三  
十年成兩鬢霜芝朮未甘銷勇氣風騷無那激剛腸中朝  
舊有知音在可是悠悠入帝鄉

荆渚偶作

無味吟詩卽把經竟將疏野訪誰行身依江寺庭無樹山  
遮天涯路有兵竹瓦雨聲漂永日紙窗鐙焰照殘更從容  
一覺清涼夢歸到龍潭埽石枰

懷武陵因寄幕中韓先輩何從事

武陵嘉致跡多幽每見圖經恨白頭  
溪痕碧逼何處去桃  
花紅過邵前流常聞相幕駕鴻興  
日向神仙洞府遊  
耕田人在否如今天子正徵搜

聞道林諸友嘗茶因有寄

槍旗冉冉綠叢園穀雨初晴叫杜鵑  
摘帶嶽華蒸曉露碾  
和松粉煮春泉高人夢惜藏巖裏  
白磴封題寄火前應念  
苦吟耽睡起不堪無過夕陽天

聞尚顏上人勸居有寄

麓山南面橘洲西別構新齋與竹齊  
野客已聞將鶴贈江  
僧未說有詩題窗臨杳靄寒千嶂  
枕遍潺湲月一溪可想  
乍移禪榻處松陰冷溼壁新泥

庚午歲九日作

門底秋苔嫩似藍此中消息興何堪  
亂離偷過九月九頭  
尾筭來三十三雲影半晴開  
夢澤菊花微暖傍江潭故人  
今日在不在胡雁背風飛向南

聞王員外新恩有寄

欲退無因貴逼來少儀官美右丞才  
青袍早許淹花幕霜  
閒方聞謝柏臺金諾靜宜資講誦  
玉山寒稱奉尊罍西峯  
有客思相賀門隔瀟湘雪未開

秋夕言懷寄所知

休問蒙莊材不材孤鐙影共傍寒灰  
忘筌話道心甘死  
澠論詩口懶開窗外風濤連建業  
夢中雲水憶天台相

卻是相知分誰訝經年一度來

答禪者

五老峯前相遇時兩無言語只揚眉南宗北祖皆如此  
上人閒更問誰山衲靜披雲片片鐵刀涼削髮絲絲閑  
莫學湯從事拋卻袈裟負本師

寄尙顏

莫向孤峯道息機有人偷眼羨吾師滿身光化年前無  
軸開平歲裏詩北闕故人隨喪亂南山舊寺在參差清  
但憶徐方政應恨當時不見時

梓栗杖送人

禪家何物贈分襟只有天台杖一尋挂去客歸青谿遠



來僧入白雲深遊山僧把探龍穴出世期將指佛心此  
江邊贈君後卻攜筇杖向東林

寄朗陵二禪友

瀟湘曾宿話詩評荆楚連秋阻野情金錫罷遊雙鬢白  
孟終守一齋清篇章老欲齊高手風月閑思到極精南望  
山門石何處滄浪雲夢浸天橫

燈

幽光耿耿草堂空窗隔飛蛾恨不通紅燼自凝清夜  
心長謝碧紗籠雲藏水國城臺裏雨閉松門殿塔中  
玉堂閒照睡豈知螢雪有深功

寄韓晚秀

松門高不似侯門  
薛逕蹊蹤觸處分  
達事卽爲無害鳥  
多閑便是有情雲  
那憂寵辱來驚我  
且當風騷去敵君  
和伴李膺琴酒外  
絳紗閑卷共論文

湘中春興

雨歇江明苑樹乾  
物妍時泰恣遊盤  
更無輕翠勝楊柳  
葉覺濃華狂牡丹  
終日去還拋寂寞  
遶池迴卻凭闌干  
紅萼片片由青帝  
忍向西園看落殘

吳居寓言

秋蔬數壠傍潯溪  
潯溪頗覺生涯異  
俗緣詩興難窮花  
草外野情何限水  
雲邊蟲聲遶屋無  
人語月影當松有  
鶴眠寄向東溪老  
樵道莫催丹桂博  
青錢

遣懷

詩病相兼老病深  
世醫徒更費千金  
餘生豈必虛拋擲  
未死何妨樂詠吟  
流水不迴休歎息  
白雲無跡莫追尋  
閑身自有閑消處  
黃葉清風蟬一林

酬廬山張處士

髮枯身老任浮沈  
癩泥秋風更役吟  
新事向人堪結舌  
舊詩開卷但傷心  
苔牀臥憶泉聲遠  
麻履行思樹影深  
終謝柴桑與彭澤  
醉遊閑訪入東林

寄尋萍公

閒在盜城多寄住  
隨時談笑渾塵埃  
孤峯悲憶便歸去  
淨世要看還下來  
萬頃野煙春雨斷  
九條寒浪晚窗開  
荒溪

路上龍潭寺  
曾北相尋踏雪迴

憶東林因送二生歸

好向東林度此生  
半天山腳寺門平  
紅霞嶂底潺潺色  
清夜房前瑟瑟聲  
偶別十年成瞬息  
欲來千里阻刀兵  
可憐二子同歸興  
南國煙花路好行

答獻上人卷

衲衣禪客袖篇章  
江上相尋共感傷  
秦甸亂來栖白沒  
山空後皎然亡  
清畱島月秋凝露  
苦寄巴猿夜叫霜  
珍重南宗好才子  
灰心冥目外無妨

招湖上兄弟

去歲得君消息在  
兩憑人信過重湖  
忍貪風月當年少  
不

寄音書慰老夫藥鼎近聞傳秘訣詩門曾說擁寒爐  
漢江江路西來便好傍扁舟訪我無

中秋夜寄人

高河瑟瑟轉金盤歎露吹光逆凭欄四海魚龍精魄冷五  
山鸞鶴骨毛寒今宵盡向圓時望後夜誰當缺處看何事  
清光與蟾兔卻教才小少畱難

寄盧岳僧

一聞飛錫別區中深入西南瀑布峯天際雪埋千片石洞  
門冰折幾株松煙霞明媚棲心地苔蘚縈紆出世蹤莫問  
江邊舊居寺火燒兵劫斷秋鐘

題南岳般若寺

諸峯翠少中峯翠玉寺名高此寺名石路陟巖巖  
窗高倚次寥明凌空殿閣由天設遍地杉松是自生更  
上方難上處紫苔紅蘚遶崢嶸

寄清溪道者

萬重千疊紅霞嶂夜燭朝香白石龕常寄溪山  
經影落古龍潭

謝人惠拄杖

何處雲根採得來黑龍狂欲作風雷知師念我形骸老  
把經行拄綠苔

送楚雲上人往南岳刺血寫法華經

剝皮刺血誠何苦欲寫靈山九會文十指漚乾終七軸後

來求法更無君

送胎髮筆寄仁公

內唯胎髮外秋豪  
綠玉新栽管束牢  
老病手疼無那爾  
卻資年少寫風騷

偶作寄王祕書

七絲湘水秋深夜  
五字河橋日暮時  
借問祕書郎此意  
靜彈高詠有誰知

懷道林寺道友

四絕堂前萬木秋  
碧參差影壓湘流  
閑思宋杜題詩後  
一川無柰到夜休

送人往長沙

荆門歸旣指湖南千里風帆興可諧好聽鶯鶯啼雨處太  
蘭舟晚泊春潭

偶題

時事懶言多忌諱野吟無主若縱橫君看三百篇章首何  
處分明著姓名

寄山中叟

青泉碧樹夏風涼紫蕨紅粳午爨香應笑晨持一盂苦澀  
羶市裏叫家常

贈琴客

曾攜五老峯前過幾向雙松石上彈此境此身誰更愛掀  
天羯鼓滿長安



庚午歲十五夜對月

海澄空碧正團圓  
吟想元宗此夜寒  
玉兔有情應記得  
西邊不見舊長安